

Dialogus quartus, de compositione  
Lunaris radij & spiraculi, cum ani-  
mali spiritu.

## VRANIA.

**D**ICI non potest, diuine Aescula-  
pi, quim grata mihi fuerint pre-  
cedentia colloquia. In reliquis, si  
quo ceptum est pede, perrexeris, iacta video  
fundamenta nostri coniugij, hoc est, harmo-  
nie humani corporis & cœli. Quando itaq;  
tu & respondendo, & docendo non defati-  
garis, nec item ego cum quærendo, tum discē-  
do, alia aggredi nunc demum meditor: à Lu-  
na amita tua gradum mihi faciens: tãquam  
à potissimo post Solem, totius naturæ organo,  
quemadmodum ex Trismegisto, tuus trans-  
scripsit Galenus. Hanc certum est ex se, nec  
radium habere, nec natium lumen, nec mu-  
tationū penes menstruos schematismos vim  
vllam, nisi quatenus à patre tuo Sole, cœle-  
stium ignium foco luculentissimo, larga ma-  
nu vel auara ei concessum est. **AESCUL.** Humanū corp<sup>o</sup>  
Sic corporea moles, Vrania, cuius statum per  
morbos & sanitatem Galeno meo, & Ptole-  
mæo eius contemporaneo prodit Luna, viu-  
tile. absq; solaribus  
radiis est inu-  
tile.

ficam de se lucem vllam non habet, nec motus ac sensus (qui duo certissimi sunt vitæ testes) facultatem vllam, nisi quatenus à spiritu animali, qui in corpore est veluti parvulus quidam Sol, per nervos sensificos & motores diuite manu, vel paupere, ei datum est,

Luna à Sole suū ac concessum. *VRAN.* Praclare sanè, sed eadem Luna, à Sole coelestium spectaculorū pulcherrimo (à quo nihil habuerunt Academici, vnde mentem diuinam propius ostenderent, & expressius mundum ab illa regi figurarent) fraterna liberalitate lumen, & penè dixerim pabulum, de aspectu, & consortio gratis foeneratur: ea tamen conditione, vt vicissim vtrunque ad conseruandam, temperandamque rerum mundi sobolem, etiam gratis deorsum foeneret, ac refundat. Cuius rei Aesculapi, quam mihi dabis in humano corpore imaginem? *AESCVL.* Animalem facultatem vna cum vitali, *VRANIA,* & partes corporis duas vtriusque facultatis hospites, nimirum cor & cerebrum. Illud, quia caloris & vitalis lucis fons est inexhaustus, perinde atque Sol. Hoc, quia Lunæ naturam, metamorphoses & alternationes vnâ cum motu in multis (non ausim dicere in mulieribus) agnoscit: quod probant comitialium cir-

cuitus, ut per appositè meus adnotavit Galenus. Verum, ut rem totam ad ea quæ pro- Animalis spūs  
posuisti coaptem scire pretium operæ est, cor à vitali suum lu-  
sanguine laudabili, temperato, & salutare in men gratis fœ-  
suo dextro sinu (ubi lucidissimi, suaves, cali- neratum, gratis  
dissimi & halitiosi sunt spiritus quamplu- deorsum refun-  
rim) saginatum, perfusum & pastum, cere- dit.  
bro animale spiritum, ceu lumen quoddam  
de puriore sanguine, & halitibus illis elabo-  
ratum, omnique sorde repurgatum, sufficere  
ac fœnerare. Quem vicissim radiorum modo,  
dictum cerebrum per proprios canales & tu-  
bulos, omnibus corporis particulis ad earum  
conseruationem, & præcipuè ad motum, ac  
sensum distribuit, & gratis impertit.

V R A. Laudo & probo quæ dicis, Aescu- Lunaris radius  
lapi: verum omnibus constat Lunam de lu- absq; solari vi-  
mine periclitari, & inutile corpus circumfer- gere & esse non  
re, si luciferam suam faciem & auricomos potest.

radios frater Phæbus ab ea vel subduxerit, Animalis spūs  
vel aliunde prohibitus negauerit. A E S C. absque vitali vi-  
Sic animale spiritum, & proinde huma- gere & esse non  
num corpus de vita periclitari certum est, si potest.

vitalis ei non præluxerit: vel alicunde impe-  
ditus sese subduxerit: ut hic Solem, ille Lu-  
nam figuret. Nam tum corpus totum, non di-  
cam stupidum & inutile, sed cui migratura

*in labris seſſitet anima, relinqui, tam eſt perſpicuum, & de experientia cognitum, vt nihil magis. V R A N. Lunares radij, caligine, vel fumida aliqua nube obducti, & circumuenti, nobis tum circa ipſum Luna corpus, tum etiam circa nubes mentiuntur multa, ac imponunt. A E S C V L. In hunc ferè modum, radius animalis ſpiritus, vel eius vibratio, melancholicis fumis, biliſis item, aut pituitoſis, ceu nebulis quibusdam, excepta & remiſta, multas viſiones, & Phœſia conſingit, ac mentitur: perinde atque lunaris radius, imò verò ſolaris potiùs: pro varia vtriuſque (corporis, inquam, & nubis) natura. V R A N. Hæc non admodum improbo.*

*Sed heus tu? Luna ſui luminis originem & incrementa, à Sole, tanquam ab inextinguibili lucerna mutuatur: vt vniuerſum terrarum orbem, die, nocteque illuſtret. Cui rei, Aefculapi, ſimile aliquid mihi (obſecro) demonſtra in humano corpore. A E S C. Dictū ſpiritum animale m tibi oſtendo: qui Platoni, & Galeno meo, in cerebro Luna inauthorato reſidet. Nam à vitali elaborato (cui ſedes in corde) ſua originem, & incrementa mutuatur: vt dies ac noctes corpus illuſtret, moueat ac vegetet. V R A N. Id vni hic reſtat, tam-*

*Lunaris radius & ſe & ſua incrementa ſolari radio debet.*

*Animalis ſpūs & ſe & ſua incrementa vitali debet.*

*est repetitum: Lunare lumen & spiraculum,*  
*suas à Sole alternationes, ac reparationes mē-*  
*dicat. Vnde Σελήνη (quæ Latinis est Luna)* Lunaris radius  
*à Græcis, ut arbitror, nomen accepit, quod* & spiritus à so-  
*σελάης, id est, splendorem, αὐτοῦ de super, nimi-* lari pendet.  
*rum à Sole accipiat. AE S.C.V.L. Obrundis*  
*simul & offendis, Vrania, eandem cantile-*  
*nam toties canens. Semel atque iterum expo-* Animalis spūs  
*suit vnum animale spiritum, Luna in par-* cū sua radiatio-  
*te mancipatum, à corde Solem præ se ferente,* ne à vitali pen-  
*lucis suæ, quæ est veluti lunaris quidam splē-* det.  
*dor, reparationem, & deperditæ, dissipatæq;*  
*substantiæ instaurationem accipere. Quod*  
*ut facilius intelligas, hunc in modum demō-*  
*stro. Vitalis spiritus qui in corde sua sibi fixit*  
*tentoria, per maiorem arteriam sursum in ca-*  
*rotides tantisper contendit, dum in cōtextum*  
*cerebri admirabilem, seu reticularem plexum*  
*permeat: vbi multis flexibus, labyrinthum di-*  
*cas, variè implicatus, & cancellatis fibris ir-*  
*retitus, hæret, cunctaturque, donec elabora-*  
*tionem quandam acceperit. Hinc, rursus in*  
*choroidem texturam perreptat: vbi exhausto*  
*per nares tenuiore aere, nonnihil illius sibi*  
*iungens vi cerebri ambientis, in animale*  
*spiritum plenè commutatur: qui ex contex-*  
*tu deinde reflus, totos cerebri ventriculos ad*

futuros vsus implet. Ex quo facile colligis, il-  
lum à Vitali, perinde atque Luna lumen à  
Sole manare. *VRANA.* Patieris & hoc po-  
stremum tibi, ô diuine Aesculapi, isto collo-  
quio proponi. Crescente & inualescente lu-  
nari radio ac lumine, crescunt & inualescunt  
aquarum motus, corporum humiditates, &  
ossium medulla. *AESCUL.* Ita crescente  
inualescenteque animali spiritu, cum corpo-  
rum, tum ingeniorum motus & actiones cre-  
scunt ac inualescunt. Sed hæc leuiora sunt *VRa-  
nia*, quàm à me demonstrari debeant, & à te  
proponi. Quare si deinceps quid habes graui-  
us deprome, & nouum colloquium institue.

Dialogus quintus de collatione facul-  
tatis radiorum planetarum cum hu-  
mani corporis facultatibus.

*VRANIA.*

**S**VBVEREOR ter maxime  
Aesculapi, ne nimium sciscitando  
tibi sim molesta. Non desinam ra-  
men, donec silentium mihi indixeris: persuasa  
ingenui esse animi, cui multum debeas, pluri-  
mum debere velle. Pergam itaque res meas  
cœli excutere, vt propositæ harmoniæ corpo-  
ris humani cum cœlo rationem, qua cœptum